

# Jabu dipaduka nyadi Pro-Chanselor Unimas II

**KUCHING:** Sapit Kepala Menteri Datuk Patinggi Tan Sri Alfred Jabu anak Numpang dipaduka nyadi Pro-Chanselor Universiti Malaysia Sarawak (Unimas) Kedua.

Kuasa maduka penuduk nya berengkah ari 8 Oktober 2013 lalu nya Pro-Chanselor Kedau penguduh Kepala Menteri, Pehin Sri Haji Abdul Taib Mahmud nyadi Pro-Chanselor Keterubah ba taun 1997.

Pengerami Nyuaka Surat Kuasa Maduka Nyadi Pro-Chanselor Kedua Unimas nya diatur ba Wisma Bapa Malaysia (WBM) kena Hari Tiga ke udah. Pengerami nya diperatika Chairman Lembaga Pengarah Unimas Datu Dr Hatta Solhi.

Surat kuasa maduka penuduk nya disuaka Penulung Sapit Chanselor Unimas Prof Dato' Dr Mohammad Kadim Suaidi.

Datuk Patinggi Tan Sri Alfred Jabu ngumbai pengawa maduka iya nyadi Pro-

Chanselor Unimas nya siti basa ke pemadu tinggi ngagai iya.

Ku iya, ketegai Opis Menteri Pelajar Tinggi (KPT) ke udah pechaya, iya enggau naka ulih bejalaika tanggungjawab ngambika ulih nyaup Unimas nyulut ba bidang pelajar menua.

"Semua orang nemu pelajar nya kunchi ke pmadu beguna. Unimas ke udah ditumbuhka 21 taun ba negeri tu deka nyadi tibang ngagai pemaju ba bidang pelajar ngambika ulih nempa bala graduan ke bekualiti," ku iya. Ku iya, dikena nentuka Unimas terus nyulut, prasarana enggau infrastruktur ke meri penyenang ngagai bala pelajar seruran deka ditambah sereta dikemanahka agi.

Datuk Patinggi Tan Sri Jabu anak asal menua Betong, graduan ari Lincon University New Zealand ba bidang Sains Betanam Betupi ba taun 1966.

Iya mega udah diberi anugerah Doctor of Natural Resources ari Lincon Universi-

ty, New Zealand ba taun 1997 ketegai udah mujur nge-mansangka bidang betanam betupi sereta mujur ngemajuka pengeraja asal negeri Sarawak. Ketegai bisi peneleba ke mayuh amat meri servis ngagai mensia mayuh lebu agi gawa enggau perintah nyengakum politik ba Sarawak ke alai iya kala gawa nyadi Pemesai Betanam Betupi pengelama tujuh taun berengkah ari taun 1967 sebedau nyereta bidang politik ba taun 1974.

Pengerami maduka Datuk Patinggi Tan Sri Alfred Jabu nyadi Pro-Chanselor Kedua Unimas deka diatur kena 9 November 2013 beserimbau enggau Pengerami Konvoke-seyn Unimas Taun 2013 Ke-17 ba Dewan Dewan Tunku Abdul Rahman Putra (DeTAR Putra) ke deka dipejadi Yang di-Per-tua Negeri Tun Datuk Patinggi Abang Haji Muhammad Salahuddin ti mega Chanselor Unimas.



DIPADUKA ... Penulung Sapit Chanselor Unimas Prof. Dato' Dr. Mohammad Kadim Suaidi nyuaka surat kuasa maduka Datuk Patinggi Tan Sri Alfred Jabu Numpang nyadi Pro-Chanselor Unimas ba pengerami Nyuaka Surat Kuasa ngagai Sapit Kepala Menteri Sarawak ba Kuching kena Hari Tiga ke udah. Sama bisi dipeda mega (ari kiba) Penulung Sapit Chanselor Hal Ehwal Pelajar enggau Alumni, Prof. Mohd Fadzil Abdul Rahman, Penulung Sapit Chanselor Akademik enggau Entarabansa, Prof. Dr. Fatimah Abang, Chairman Lembaga Pengarah Unimas, Datu Dr. Hatta Solhi enggau Penulung Sapit Chanselor Pengawa Mansik enggau Inovasyen Prof. Dr. Peter Songan.